

BOSNA I HERCEGOVINA
FEDERACIJA BOSNE I HERCEGOVINE
VRHOVNI SUD
FEDERACIJA BOSNE I HERCEGOVINE
GRAĐANSKO ODJELJENJE
Broj: 51 0 Ps 175585 23 Spp
Sarajevo, 14.9.2023. godine

Vrhovni sud Federacije Bosne i Hercegovine u Sarajevu, odlučujući o zahtjevu za rješavanje spornog pravnog pitanja tužiteljice Općine Vitez, zastupana po Općinskom pravobranilaštvu Vitez, na osnovu odredbe člana 61c. stav (1) Zakona o parničnom postupku¹ - dalje: ZPP), te odredbe člana 18. Pravilnika o unutrašnjem sudskom poslovanju Federacije Bosne i Hercegovine i Brčko Distrikta², u sjednici Građanskog odjeljenja održanoj 14.09.2023. godine donio je

ODLUKU

Odbacuje se zahtjev za rješavanje spornog pravnog pitanja u predmetu Općinskog suda u Travniku broj 51 0 Ps 175585 22 Ps 2.

Obrazloženje

Tužiteljica Općina Vitez po svom zastupniku, podnijela je Vrhovnom sudu FBiH putem Općinskog suda u Travniku, prijedlog za pokretanje postupka za rješavanje spornog pravnog pitanja i to nakon izjavljivanja revizije na pravosnažno rješenje Kantonalnog suda u Novom Travniku broj 51 0 Ps 175585 23 Pž2 od 23.05.2023.godine.

Članom 61a. stav (1) ZPP propisano je ako u postupku pred prvostepenim sudom u većem broju predmeta postoji potreba za zauzimanje stava o spornom pravnom pitanju, koje je od značaja za odlučivanje o predmetu postupka pred prvostepenim sudovima, da će prvostepeni sud po službenoj dužnosti ili na prijedlog stranke zahtjevom pokrenuti postupak pred Vrhovnim sudom Federacije BiH radi rješavanja spornog pravnog pitanja.

Vrhovni sud FBiH je konstatovao da Općinski sud u Travniku, koji je kao prvostepeni sud, jedini nadležan za podnošenje zahtjeva za rješavanje spornog pravnog pitanja koje je od značaja za odlučivanje o predmetu postupka pred tim sudom, nije podnio zahtjev, već je ovom sudu proslijedio prijedlog tužitelja kao stranke na odlučivanje.

Činjenica da je tužiteljica prijedlog nazvala zahtjevom, ne utječe na drugačiju odluku.

¹ „Službene novine FBiH“ broj 53/03, 73/05, 19/06 i 98/15;

² „Službeni glasnik BiH“ broj 66/12 i 40/14;

Na sjednici Građanskog odjeljenja održanog dana 14.09.2023.godine Vrhovni sud FBiH je na osnovu člana 61a. stav 1. ZPP odbacio zahtjev jer iz navedene odredbe jasno proizilazi da zahtjev za pokretanje rješavanja spornog pravnog pitanja podnosi samo prvostepeni sud, pod uslovima iz člana 61b. ZPP-a.

U konkretnom slučaju budući da zahtjev nije podnio prvostepeni sud već tužiteljica kao stranka, ocijenjeno je da nisu ispunjeni uslovi za pokretanje postupka rješavanja spornog pravnog pitanja, pa je zahtjev odbačen u smislu čl. 61 c. ZPP, kao nedozvoljen.

Predsjednik Građanskog odjeljenja
Radenko Blagojević, s.r.